

隨園全集

碧餘齋詩存
何南園詩選

隨園全集之十七

碧腴齋詩存

江夏姚嘉穀書



中華民國十年
上海商務印書
局總發行所

碧腴齋詩存序

碧腴齋詩妹婿書巢作也書巢之詩不得已而存焉者也書巢弱冠舉于鄉從桂林來修婚兄弟禮既見即別別三十四年矣聞其成進士宰什邛走川峽再爲東諸侯選郡將登臨于泰岱瑯琊之罟間凡一切大府艱巨事皆所辦治又性好交契重然諾廉俸朝入饋遺暮盡答四方箋奏日春斗麪爲糊五記室掌之手腕欲脫猶不能遍此其希通慕大豈肯以一吟一詠賓賓然作學子終哉其所癖嗜尤在于書署中縹素山積躬自排比雖圖溷所猶手一編拳拳不釋今年秋以詩集見寄且曰子爲我序而行之嗚呼吾今乃知書巢真欲以詩自存矣今夫孔雀負青天而飛方將追鳳皇儀虞廷不自知其身有丹翠也及其折清風而抃茫洋無之則不覺自憐其尾作吉光片羽之珍使書巢當得意時一日千里隆隆而升必無暇爲詩就使爲詩不過編成于故吏門生之手甘苦終難自知乃書巢之于宦途也若稱意若不稱意莫益之或擊之三仕之三已之年垂六十髮蒼然而室蕭然除骨肉妻孥外只此一編與伴晨昏其理而存之也可喜也尤可悲也然世之寵榮赫耀十倍于書巢者一旦聲漸影滅沒世無稱其效亦歷歷可觀矣天之厚書巢而使之爲詩書巢之能承天之厚之意而能工于爲詩皆所謂三公不易者也其梓而公諸天下也奚疑哉奚讓哉惜余年衰不獲與書巢多相唱喁以抒老懷且喜書巢詩集之成得于吾身親見之故爲述其生平梗概以見書巢之所以爲書巢者別自有在原不與富貴浮雲同爲留去者也至于其詩之淵源得力處諸序中申之甚詳余不復贅隨園老人袁枚序

碧腴齋詩存卷一

桂林胡德琳書巢著

泊瀑布塘

維舟向古塘晚唱迴柔櫓漁火一江星瀑聲終夜雨

京師寓中消夏

陋巷無車轍愁侵歲月過懶宜知己少貧怕受恩多此地非炎徼寒香夢碧蘿敝裘猶未脫
去住雨如何

宿富莊驛

客行猶未息戍角起凌空垂柳水逾碧斜陽山更紅邨荒難覓酒花細不禁風渺渺征人影
低徊烟靄中

德州道中

輓轡催去小車忙煙堡人家入渺茫雅背倒翻殘照亂棗花細度晚風香荒邨燈火林端隱
野路蓬蒿馬首長欲問升沉無管輅平原深夜飽星霜

雙病鶴詩呈莪村先生

仙標剩有骨嶙峋狼籍文章付軟塵鍛後短翎常畏客病中清唳尙驚人九臯已遠心猶在
並翼相憐意更親賴有支公能拂拭冲霄會見上秋旻

送浦山先生入都

弱齡慕至道未遇餐霞人東游過泰岱邂逅逢上真蒼顏駐太古含華葆清神澹泊迴難測

沖和復易親心知抱秘要不靳開示頻陽光徹幽翳靈藥授大春廻視糠粃餘邈焉汨淄塵
青鳥歎北來翱翔周無垠舊遊一回首天風吹白蘋

初發錢塘夜宿閘口

吳歌聽緩緩楚客又南征傍晚臨前閘孤舟對短檠文章天漢影風雨大江聲繡被宵寒甚
停橈空復情

泊富陽對月

日落渚烟橫蒼茫客思生寒雲連野岸明月近山城正抱舊鄉恨況兼新別情百端俄已集
戍角又悲鳴

過嚴子陵釣臺

七里灘聲急高臺俯亂山斯人眞放達江水自潺湲星伴孤舟冷雲浮萬古閒名泉傳十九
何處洗塵顏

舟中望廬山

香鑪烟靄鬱五老碧氤氲嵐合方疑雨晴開亦帶雲清鐘來遠寺白鹿念同羣精舍今何似
篷牕對夕曛

讀琵琶亭集次蝸寄居士倡和原韻二首

片帆昨日過江州迅駛風烟不少留遙見高亭啣落照滿天霞影楚江秋
四野桑麻布
好陰碧幢紅旆幾登臨香山送客公邀客把臂風人盡入林

也由成

居士於亭中設粉版以待過客
之能詩者探而付諸梓斯集所

己巳九月用杜紫微齊山登高韻同范文容安吳雲巢陸鶴巢

驚蓬漸瀝振霜飛坐對江城曙色微幾度悲秋長作客始知望遠不如歸黃花何處尋荒徑
碧樹多情戀夕暉一片砧聲風外急天涯遊子欲沾衣

雨夜雲巢齋中分韻

秋雨灑空冥西牕客共聽簾垂千嶂黑風晃一燈青蟋蟀吟何苦江湖酒易醒巴山同此意
身世尙浮萍

雪中寄懷雲巢三首

寂寥官閣久支頤天外寒香有所思今年惆悵甚梅花夢冷竟無詩

宜梅馨

空江渺

渺遠愁予清興能諳應有餘遙想畫船呵凍管吟成獨對玉蟾蜍
碧天初霽鳥還飛明
月青山獨掩扉一徑寒封雲不度長廊步履近來稀

對雪用東坡聚星堂詩韻柬鶴巢

空山旅夢亂風葉覆首重衾夜聞雪紙牕侵曉急起來披衣開戶叫奇絕對面長蛇望悄然
老樹槎枒幾枝折鱗次千家烟火遲微茫一徑人蹤滅悅靚藍田好圖畫筆底峻嶒同瘦掣
恰憐妙手此間在一笑相呼青眼纈凌寒把酒坐高齋岸幘雄談無瑣屑醉添槽枥煨芋魁
鑪火光搖香篆瞥個中清景獨君知此外炎涼向誰說急宜呵管繪蒼茫莫使層冰滿寒鐵
庚午生日鄂渚寓中即事

書劍飄蕭寄楚天謾誇火色與鳶肩江山勝概還如昨已過周郎破賊年
次韻送劉鳳岡歸越

澹雲徙倚楚天輕握手山城別有情二月好風吹袂薄一江春水暎帆明杜鵑聲裏花初放
鸚鵡洲前草又生我亦琴書悲落拓不堪折柳送君行

送客

落花飛絮滿江城日日江頭送客行千古銷魂漢南路一行高柳數聲鶯

秋籟亭有感寄鶴巢

嶺雲越樹兩心違執手河梁夕照微黃鵠徘徊一千里也應憐我不能歸

雲巢自吳門以詩見懷次韻却寄二首

無端小別又經年不信魂消只黯然明月夢迴桃葉渡空江吟望木蘭船也知燭影聯詩夜
時有鐘聲攪客眠七字忽來千里外露荷風細瀉珠圓落盡桐花一徑香新詩舊雨細

評量風流南國推吳季文弱西頭愛陸郎

謂鶴巢

官柳依依春色遠芳洲淼淼碧波長故園況

復思兄弟回首天涯淚幾行

來詩詢及家鐵臣尙未來楚

秋夜用昌黎秋懷詩韻十一首

良田薄晚耕嘉種猶疑薤燈火趁新涼雞鳴聲未已同舍嗤愚騷高枕厭聒耳斯事出本性
風雅思振起慨然念俗學剽竊空形似羊質而虎皮炫耀何足恃致用在窮經閉門將掃軌
持此謝同人凍餒吾亦喜大造均雨露厥初無榮悴君看籬下菊豈必生高地寂寞向三春
衆草空驕恣秋風發古香凌霜遂獨異英英八桂林迢迢千載貴古道關荒榛長路何
曼曼陋室即安居至味寓蔬飯哲人盡當境其外復何願能尋此中樂嗜飲不待勸商歌出
金石貧病去相萬文繡徒施身美玉豈自獻何以對天人無暇論尤怨清颺過叢竹直

幹誰能凌不爲折節士恥作被凍蠅柔顏備百態攬鏡應自憎不見寒山高瘦骨蠹鋒稜澄
潭淨餘滓羨魚宜結罾緣木而求之曲鉤非吾能 朔鴈從風來半夜有所警歷歷星辰

明杳杳河漢永萬里欲雪霜六合潛鷺猛玉牀汲井華心苦轉素縷生年值太平草木亦有
幸黼黻倘可期逍遙敢退屏 楚館有餘清流連惜光景拄笏向西山朝日寒罔罔驚蓬

匝地飛蓮沼歎浮梗名士署馬曹健步無由騁何物桓將軍生死尙固請 大智常若愚

吾道宜從閨古今何可窮天地猶有憾所悲虛歲時縱逸類魚瞰儒素出家風攻苦能食澹
弈葉中凋零讀書媿泛濫塵事汨性靈誦久記惟暫辟乘浩劫船危風欲脫纜何日登崇文

萬卷俾按勘鐘鼎又何加區區石與甌 前年忝賢書驅車何軒軒鴈行幸接羽驥足相

追奔填簾迭唱和山川入笑言春官悵失意飄墮事異前風塵一回首念之不能餐仄聞客
鄉縣兀兀守一編我獨遠留滯辛苦歷萬千秋花明躑躅歧路增悲酸浮名奪至樂翻憶兒

童年 明月照虛幌獨飲樽忽乾小醉成遠夢叢樹瓌珠环一二同心人握手問平安共
道長相憶古井無波瀾言辭苦未畢瀛海升金丸寒雞忽長號驚醒如墮鞍 夜氣日凜

肅萬慨同一聲空亭落葉下涼露綴微明松柏仰老榦葵藿餘丹誠蒼葭詠采采流水空盈
盈秋風思鱸膾江東一步兵

謂浦山先生

習坎得靜止晚節當敷榮白雲正滿屋高臥誰使令

潒水媚芙蓉芳競言好涉江人共采傳聲亦何早秋雨忽離披顏色不自保乃知古賢
達枯木甘形槁沒世疾無稱虛名何足道

九日得鶴巢雲集書并示諸同人二首

遙天風細碧波長木葉蕭蕭襟袖涼白下故人來尺素黃花今日又重陽離心久逐歸帆遠

酒態空餘落帽狂，知否庾樓成獨眺。舊遊踪跡已蒼茫，幾回長嘯獨憑闌。靜對浮雲俯仰寬，何處笛聲驚鴈落。一樓山色撲人寒，雨侵砌草痕猶綠。秋老江楓葉未丹，楚客相看無賴甚。向來慷慨笑無端。

渡江二首

巨艦何嵬峨，小舟時簸漾。天寒潮未來，銜尾不得上。寒日映江心，凍雲迷江口。何處古蕪城，春風蕩楊柳。

歸舟雜興

小姑眉黛映秋空，穀影靴紋碧一弓。不識彭郎緣底事，任他拋擲浪花中。

將抵廣陵

十里蕪城近，遙看雉堞齊。愁心揚子水，曉夢汝南雞。風定檣帆直，天寒塔影低。可憐新種柳，衰颯滿長隄。

以詩代書寄家人

夜雨從西來，寒燈颯蕭爽。遙聞牕外聲，夢破空江響。碌碌復碌碌，長年知昨非。男兒有遠志，切莫寄當歸。

北征雜詠

北征殊節候，長路苦漫漫。春半草初發，雪晴天更寒。斯人猶凍餒，吾道自艱難。披帽風塵裏，閒愁閱萬端。動息真無定，饑寒事不常。家貧諳客苦，人倦覺途長。日曬茅簷風，暖吹麥餅香。羨渠不識字，安穩牧牛羊。田家有月令，春事及時營。乍暖人疑雨，奇寒天欲晴。老

農常共話瘠土已深畊回首鄉園在荒蕪祇暗驚
冰花開積潦雪浪蹴平沙道古人踪
絕天寒日影斜小車遲駟馬細路問三叉目斷前林晚歸飛噪暮鴉

過淮

葦荻編爲室蘆薪織作簾過淮春色減向曉北風尖密雪霏霏下征衣旋旋添禦寒思貰酒
何處覓青帘

過沂州

長征雨雪苦難支乍喜輕寒上面吹日暖雲山浮遠黛天清露柳冑游絲晴光遙映飛鳥樂
和氣初回嫩絮知好是暮春時節近高風何處想清沂

山行即景

新晴連日減春袍路轉寒光上野蒿澗道陰森留雪久山田鑿确入雲高鳥機礪石眠芳草
白鳥將雛理毳毛無限詩情吟不盡斜陽人影下平臯

得雲巢大魁之信志喜二首

仙槎幾日上瀛洲姓字喧傳播九州人似仲華年正少才如季重遇偏優綵箋獨射金門策
月斧高攜玉殿秋若使南宮非俛得藝林盛事備三頭雲巢以省元試南宮楚館論心

憶往年風流人望出羣賢黑頭有志羞溫飽青眼無塵對簡編贈綺昔蒙吳季雅著鞭今讓
祖生先鳥絲墨寶追前輩眞署人間第一仙雲巢有狀元墨寶皆數科前輩之筆曾乞鶴巢

句今果然亦異事也

碧腴齋詩存卷一終

碧腴齋詩存卷二

桂林胡德琳書巢著

送家鐵臣歸粵

臨歧制淚恐情傷萬里關河路正長我亦欲歸悲落拓君今何事病佯狂人情大有杯中影
身世宜尋肘後方珍重老親雙鬢白斜暉遠望立蒼茫

哭鶴巢二首

脫驂舊館記徘徊雪夜曾經訪戴來羽鍛秋風辭碧落花飛上苑點蒼苔離鸞操苦傷神久
鶴巢去歲悼亡雛鳳聲清脫抱纔曾以幼子見託愁絕白頭雙老在蘭摧玉折不勝哀 載酒題襟向楚

天風流季子實神仙巢謂雲蠶腰媿我難齊足馬首期君好著鞭一夕飛沉容迴隔百年生死
事憂煎閒鷗野鷺今零落獨立江湖意惘然

聞雲巢典試粵中

國家累葉重孝治宏恩大澤推今年萬安宮中傳典禮使者四出車連翩 帝念邊隅遶

哲匠誕敷文德同昭宣吳君去歲魁天下慶霄高步凌三千西清侍直未半載 宸衷簡注
親講筵乍聞星班列螭首又持玉節清蠻烟吾粵風氣近淳古溯源端賴西江瀚維兩中丞

楊聞晚先錫生絛與李穆生堂先文治輝映相後先中間方伯今唐介義村先祖輔理樂育尤拳拳山長
更得赤水裔居杏付先循循誘進期精研每逢省試人濟濟科名往往驚蟬聯前年吾兄領

鄉薦鴈行忝接同高騫榜下頗聞無異議問名大半皆英賢自別家園事奔走消息五載空
茫然君今親銜 鳳詔往到日玉尺憑衡銓片玉一枝搜應得元燈衣鉢從流傳鹿鳴宴罷

公事畢遠近勝蹟應攀緣城南陋巷敝廬在草迷三徑當芊芊偷念交情一命駕閭里誇躍
知喧闐因思同日客鄂渚細論雪夜分青氍采風已能慎持擇雙眼如鏡秋雲鮮桐音今待
中郎發此語於我何有焉郢曲與雲集在楚中閨采風魯別後寄子詩有歸路過此一展眺晴
川萬柳情應牽鰕生自顧猶故我江湖落魄恆述邇故鄉負弩志未遂珂里泛梗誰相憐儂
指春明將見面狂呼先索西征篇

清明後三日湖上有懷亡友鶴巢

已過踏青節沿流草色長天將垂柳碧人帶落花香泉冷鳴春雨山孤倚夕陽黃公釺畔過
流恨欲沾裳

林處士祠和壁間徐東癡韻

裏外湖連一碧環孤亭突兀兀片雲閒鶴歸華表天邊迴花放吟魂月下還寂寂祠堂生蔓草
丁丁樵斧響空山濟南高士留住句今古清風伯仲間

上已陸甥豫庭邀同朱雨森汪汲三趙瑞符脩禊西園

陸家兄弟謝家甥玉塵揮塵解送迎洛水宜從名士戲長安誰賦麗人行粉雲對酒花初落
蜀有梅棠一殊色甚豔陸甥以粉雲呼之櫻筍登盤眼乍明醉後忽憐衰倚馬謂立閉關風味有餘清

上已後三日復偕香亭豫庭曉巖步至湖上三首

說著湖山興欲顛新晴又值豔陽天家人解識相料理爲典春衫作酒錢 兩岸銀沙與
雪同桃花笑日柳牽風畫橋竚立頻回首身在紅雲綠霧中 吾愛吾家淡菴老孤山兩
和八梅詩今來樹樹皆新種正是空亭花落時

游紫雲洞

岡迴分高低樹密隱巖扉由直方曲遵自下乃上達窺洞已陰森入門稍開豁神工訝天鏤絕壁驚地拔慈雲滂欲生佛像儼如活庵僧解相迎苦茗散煩渴偶與談古今頗能悉顛末結夏約重來巾韉不須脫

游金鼓洞自金果泉登雲水閣

碧玉森萬竿碎影日光漏籬落近村野規模亞靈鷲覓路見雙扉抗策聊一扣石臺左翼張

雲水閣在茅屋中

覆荒厨生炊烟因山妙結構寒泉清若空高閣呀不仆詎聞金鼓喧獨

愛雲水秀亂樹浮遙天小牕納衆岫塵襟得淨滌夕景歛奇輳義轡不可停俗駕難久留羨彼黃冠子逃覽飽昏晝

暮春齋中示內子二首

湖上三月暮草長聞啼鶯旅館意不愜久傷游子情坐念靈椿老忽忽歲又更緬維牽衣別詎等絕裾行飛蓬離根本五載隨風征遠遊古所戒一事今何成捧檄雖未遂自可力躬畊胡爲苦留滯暗對流年驚夕陽明炯炯空懸愛日誠事親在承志至樂唯聚首娶妻非爲養此語可知否不見古賢媛親身事杵臼雞鳴相夫子同心即佳婦汝亦知書人頗能奉箕帚所恨異鄉縣歸寧因父母遂令廡下居遠離堂上舅吾兄昨病歸猶能及春酒弱弟蚤成人拜跪分先後獨我此遠客中心時自咎行也警懷安歸歟奉老壽

壬申冬捧檄入蜀道中感懷寄都門諸同學

炎方有客窮不死病後狂歌入帝里文場一戰儼背城燭盡三條空隱几祇言康了報兒童

淡墨書名偶然耳金門射策揮萬言宰相動色屈一指十步思凌丹閣前得官乃在蠻荒底
蜀道之難登青天常擬浮槎學漢使近承韋杜遠相招夢醒猶疑今果爾昨病臥舟中夢杜工部韋端已見過
成都天府古稱雄高閣白雲長劍倚三峨遙接十二峯內外江流連越寓天生行脚打包僧
要令胷中飽山水堂前老父況七十士亦有時爲貧仕兩地浮家舊自危五斗折腰焉敢恥
蕭蕭風雪滿驪車一肩襆被催行李三年上考且休論萬里之行從此始

曉發獲鹿

砢礪馬蹄聲青山向曉行土窰全似甕石屋半如城霧氣含沙薄泉聲過雨清陁關在天際
隴樹與雲平

井陘

危陁卅里下深溝隴首連雲起戍樓日色冷含千嶂出風聲潛挾兩河流蒼巖雪隱隋家寺
赤幟烟消漢代侯一笑耳餘堪齒冷談兵空借敵人謀

過固關

雄關驚陡絕直下井陘西霧磴青泥滑霜梯白練迷馬蹄轟斷棧鳥影落深谿戰地多遺鏃
空山長蒺藜

壽陽道中二首

寒雲屯七嶺曉月芹泉路馬尾風蕭蕭微茫見烟樹

遙遙壽陽驛百里起鄉愁新月蛾

眉影一痕生馬頭

太原謁莪村先生二首

春回小草長芳蓀病後投瓊語更溫
載筆未能趨鳳闕
樞衣因得謁龍門
天開恒嶽知山峻
路指岷江溯水源
桃李無言花自發
好將清白答公恩
大江波浪夢頻驚
五嶽填胸最不平
勁節轉從霜後健
丹心眞向日邊明
臯夔事業看雙鬢
韓范聲明震百城
遙指塞鴻尋往跡
幾回清淺話蓬瀛

榆次留別錢令之清二首

早熟舍人名風流有惠聲
吟詩追古澹爲政戒紛更
江上久攜鶴隴頭方聽鶯
梅花與秋水心跡喜雙清
僕本悠悠者行踪類轉蓬
傳經憐未遂製錦想難工
匹馬千山路盤鴈四野風
臨歧無限意所得是匆匆

欲雪

欲雪驚寒甚癡雲四嶺封
天低如潑墨寺遠不聞鐘
枯柳流烟直輕塵帶霧濃
誰知幽谷裏猶有後凋松

過豫讓橋

知己由來異感恩此心難與衆
人論野橋嗚咽聞流水疑有當年國士魂

荆家灣

聞說襄陵縣洪流太古荒地
形盤馬曲山影臥龍長冰泮
魚游藻天寒鵝在梁西園無處覓
白墮酒帘香

小歲日宿油杜汛

適衛沉湘事等閒殘年飽閱
道途艱時當官柳江梅候
人在秦關漢水間野店祭餘烟
竈冷